



**Republika e Kosovës**  
**Republika Kosova - Republic of Kosova**

**AGJENCIA KUNDËR KORRUPSIONIT**  
**AGENCIJA PROTIV KORUPCIJE**  
**ANTI - CORRUPTION AGENCY**

<b>DATË/A:</b>	21.06.2016
<b>REFERENC-Ë:</b>	AKK-DPK 03-02-1668/16
<b>PËR/ZA/TO:</b>	z. Petrit Selimi – Zëvendësministër në Ministrinë e Punëve të Jashtme
<b>CC:</b>	
<b>PËRMES/PREKO/THROUGH:</b>	
<b>NGA/OD/FROM:</b>	Hasan Preteni, Drejtor i Agjencisë kundër Korrupsionit
<b>TEMA/SUBJEKAT/SUBJECT:</b>	Opinion lidhur me ofrimin e këshillimit profesional për parandalimin e konfliktit të interesit në ushtrimin të funksionit publik

I nderuari z. Selimi,

Në mbështetje të nenit 5 (paragrafi 1 nën paragrafi 1.12) të Ligjit nr. 03/L-159 për Agjencinë kundër Korrupsionit dhe nenit 19 (paragrafi 1 nën paragrafi 1.5 dhe 1.6) të Ligjit nr. 04/L-051 për Parandalimin e Konfliktit të Interesit në Ushtrimin e Funksionit Publik, lidhur me kërkesën tuaj, me numër protokoli DPKI 03-02-1668/16, në të cilën keni kërkuar sqarim se a paraqet konflikt interesi ushtrimi i funksionit të Koordinatorit Nacional në Koorporaten e Sfidave të Mijëvjeçarit, krahas funksionit publik të zëvendësministrit, Agjencia kundër Korrupsionit ofron këtë:

## O P I N I O N

Ekziston konflikt interesi në ushtrimin e funksionit të Koordinatorit Nacional në Koorporaten e Sfidave të Mijëvjeçarit krahas funksionit publik të Zëvendësministrit të Punëve të Jashtme.

## Arsyetim

Në bazë të Ligjit 04/L-051 për Parandalimin e Konfliktit të Interesit në Ushtrimin e Funksionit Publik (në tekstin e mëtejshëm: Ligji PKI), pozita e Zëvendësministrit, hynë në kategorinë e zyrtarëve të lartë publik.

Sipas këtij ligji, të gjithë zyrtarët e lartë publik kanë për obligim parandalimin e konfliktit të interesit dhe kanë për detyrë të zgjidhin vetë brenda afatit ligjor, dhe në mënyrën më efektive të mundshme, çdo situatë të konfliktit të tyre të interesit (neni 8, par. 1).

Ligji PKI parasheh edhe parimet e veprimit dhe mos veprimit të zyrtarit të lartë. Disa prej këtyre parimeve të parashikuara në këtë ligj janë se zyrtari i lartë, gjatë ushtrimit të funksionit publik, duhet të veprojë në mbrojtje të interesit publik dhe nuk ka të drejtë që interesin e tij privat ta vëre para interesit publik, për mbrojtjen e të cilit është zgjedhur apo emëruar. Pastaj, zyrtari i lartë duhet të kryej punën e tij me ndershmëri, ndërgjegje, paanshmëri, të ruajë autoritetin e zyrtarit të lartë dhe institucionit dhe me punën e tij të rrisë besimin e qytetarëve në institucione. Po ashtu zyrtari i lartë nuk duhet të lejoj që interesat e tij private të bien në konflikt me funksionin e tij. Ai duhet të shmang konfliktin e interesit pavarësisht nëse ai është real, apo i mundshëm.

Ky ligj, në nenin 16 ka përcaktuar kufizimet për zyrtarët e lartë në ushtrimin e funksioneve tjera, krahas ushtrimit të funksionit publik.

Në piken 1 të këtij neni parashihet se: *“Zyrtari i lartë publik nuk mund të jetë menaxhues ose anëtar i organeve menaxhuese në organizata fitimprurëse dhe jo fitimprurëse, përjashtuar subjektet politike si dhe rastet kur një funksion i tillë i dedikohet për shkak të funksionit”*.

Bazuar në këtë dispozitë, ju si zyrtar i lartë publik nuk mund të ushtroni njëkohësisht funksionin e Zëvendësministrit dhe atë të Koordinatorit Nacional në Koorporaten e Sfidave të Mijëvjeçarit.

Kjo për faktin se kjo pozitë hynë në kategorinë e funksioneve menaxhuese, të përcaktuara me nenin e lartcitur, që shihet edhe me dokumentin e kësaj Korporate: “Compact Development Team”. Ky dokument, ndër të tjera, në kuadër të detyrave dhe përgjegjësisive, pozitën e Koordinatorit Nacional e parasheh si funksion menaxhues.

Andaj, bazuar në këto dispozita, këto dy funksione nuk mund të ushtrohen njëkohësisht për shkak se ekziston konflikt interesi në ushtrimin e funksionit publik. Prandaj, që t’i shmangeni kësaj situatë, AKK iu rekomandon që të zgjidhni vetëm njërin prej këtyre funksioneve.

Për veprimet e ndërmarra pas këtij rekomandimi të njoftohet Agjencia kundër Korrupsionit.

Me respekt!